

**SULIT**  
**1249/1**  
**SEJARAH**  
**KERTAS 1**  
**NOVEMBER**  
**2001**  
**1 JAM**

**PERSIDANGAN KEBANGSAAN PENGETUA**  
**SEKOLAH MENENGAH MALAYSIA**  
**CAWANGAN TERENGGANU**  
**DENGAN KERJASAMA**  
**JABATAN PENDIDIKAN TERENGGANU**

**PEPERIKSAAN AKHIR TAHUN 2001**

**TINGKATAN EMPAT**

---

---

**SEJARAH**

**KERTAS 1**

**Satu jam**

---

---

**JANGAN BUKA KERTAS SOALAN INI SEHINGGA DIBERITAHU**

*Arahan*

- 1. Kertas soalan ini mengandungi 40 soalan.*
- 2. Jawab semua soalan.*

---

**Kertas soalan ini mengandungi 11 halaman bercetak**


Tiap-tiap soalan diikuti oleh *empat* pilihan jawapan. Pilih satu jawapan yang terbaik bagi tiap-tiap soalan dan hitamkan ruangan yang sepadan dengan kertas jawapan objektif anda.

1. Pembentukan dan perkembangan tamadun awal manusia telah meninggalkan kesan ke atas kehidupan manusia.  
Apakah kesan tersebut?
  - I Persaingan untuk merebut kekuasaan dan jajahan
  - II Pertumbuhan bandar dan perdagangan
  - III Perkembangan bahasa dan kebudayaan
  - IV Perkembangan teknologi dan pengkhususan kerja
  - A. I, II dan III
  - B. I, II dan IV
  - C. I, III dan IV
  - D. II, III dan IV
  
2. Pada peringkat awal tamadun, fungsi utama tulisan adalah untuk
  - A. mencatat rekod sejarah manusia
  - B. merekod hal ehwal politik
  - C. merekod hal ehwal agama di kuil
  - D. mencatat perhubungan raja-raja
  
3. Hammurabi terkenal kerana kanun undang-undangnya. Prinsip utama kanun undang-undang tersebut ialah
  - A. seseorang itu boleh dihukum jika sabit kesalahannya
  - B. hukuman yang berat boleh dikenakan jika seseorang itu didapati bersalah
  - C. orang berkuasa terkecuali dari hukuman
  - D. hukuman hendaklah setimpal dengan kesalahan yang dilakukan
  
4. Sistem demokrasi merupakan warisan tamadun Yunani.  
Apakah yang dimaksudkan dengan sistem demokrasi?
  - A. Corak pemerintahan yang ditentukan oleh rakyatnya sendiri
  - B. Kerajaan yang diketuai Raja dan Perdana Menteri
  - C. Corak pentadbiran yang melibatkan pilihan raya untuk memilih pemerintah tertinggi
  - D. Pentadbiran yang mensyaratkan Perdana Menteri dipilih oleh raja

5. Antara berikut yang manakah tentang zaman *Pax Romana* pada zaman Tamadun Rom?

- I Bermula pada masa pemerintahan Augustus
- II Dasar perluasan kuasa Rom berjalan dengan pesat
- III Perdagangan di Rom bertambah maju
- IV Bertambahnya jurang perbezaan dalam masyarakat

- A. I, II dan III
- B. I, II dan IV
- C. I, III dan IV
- D. II, III dan IV



6. Perkembangan di atas adalah akibat daripada

- I kemajuan dalam sistem pengairan
- II pembinaan bandar pelabuhan
- III perkembangan hubungan diplomatik
- IV pengenalan ekonomi wang

- A. I dan II
- B. I dan IV
- C. II dan III
- D. III dan IV

7. "Lebih banyak undang-undang dan peraturan, lebih banyak pencuri dan pengganas".  
Pernyataan di atas adalah pegangan bagi pengikut

- A. Confucianisme
- B. Legalisme
- C. Taoisme
- D. Stoisisme

8. Mengapakah masyarakat Arab Jahiliyah mudah dijajah oleh empayar Rom dan Parsi?

- A. Sistem pemerintahan mereka tidak teratur
- B. Ketiadaan nabi dan kitab sebagai petunjuk
- C. Tiada kemajuan dalam teknologi senjata
- D. Rom dan Parsi inginkan kota perdagangan Makkah

9. Peristiwa perletakan semula Hajar Aswad ke tempat asalnya menunjukkan kebijaksanaan Nabi Muhammad s.a.w.  
Apakah gambaran tentang peribadi Baginda daripada peristiwa ini?
- A. Seorang usahawan yang cekap dan berjaya
  - B. Seorang hakim yang adil dan pintar mentadbir
  - C. Seorang pendakwah yang cekal dan amanah
  - D. Seorang yang boleh dipercayai
10. Bukti kedatangan Islam di Asia Tenggara ialah
- A. penemuan bahan dagangan di perairan Sumatera
  - B. penulisan pengembaraan Snouck Hurgronje
  - C. penemuan Batu Bersurat di Terengganu
  - D. catatan lisan penduduk setempat
11. Kebanyakan orang Arab pada zaman Jahiliyah adalah buta huruf.  
Apakah kesannya?
- I Tiada inskripsi untuk diwarisi
  - II Berlaku ketidakadilan dalam sistem ekonomi
  - III Tidak mampu membina semula empangan Maarib
  - IV Tiada ilmu dan teknologi untuk membangunkan negara
- A. I, II dan III
  - B. I, II dan IV
  - C. I, III dan IV
  - D. II, III dan IV
12. Antara berikut yang manakah dikaitkan dengan pemerintahan khalifah Abu Bakar al-Siddiq r.a.?
- I Menetapkan takwim Islam berdasarkan hijrah Rasulullah
  - II Menjadikan kota Makkah sebagai kota perdagangan
  - III Berjaya menghadapi cabaran dari golongan murtad
  - IV Memulakan usaha mengumpul ayat-ayat al-Quran
- A. I dan II
  - B. I dan IV
  - C. II dan III
  - D. III dan IV

13. Dalam aspek sosial, Islam telah menekankan aspek keadilan, muafakat dan disiplin. Mengapakah disiplin penting pada pandangan Islam?

- I Bagi membentuk satu bangsa yang kuat
- II Sebagai satu jalan untuk membersihkan jiwa
- III Sebagai satu proses mengawal diri dan perasaan
- IV Sebagai satu jalan untuk membuat kebajikan dan kesejahteraan

- A. I, II dan III
- B. I, II dan IV
- C. I, III dan IV
- D. II, III dan IV

- Ibn Jubayr
- Al-Mas'udi
- Ibn Battutah

14. Tokoh-tokoh Islam di atas terkenal dalam bidang

- A. botani
- B. falsafah
- C. perubatan
- D. pelayaran

Sistem feodal mula diamalkan di Eropah pada abad ke-8 dan ke-9  
(Sejarah Perkembangan Tamadun Dunia)

15. Apakah persamaan antara sistem feodal yang diamalkan di Eropah dengan sistem feodal yang diamalkan oleh masyarakat Melayu tradisional?

- I Kekuasaan golongan agama
- II Penggunaan tenaga rakyat
- III Kesetiaan kepada pemimpin
- IV Peranan institusi agama

- A. I dan II
- B. I dan IV
- C. II dan III
- D. III dan IV

16. Gospel, Gold dan Glory merupakan faktor utama penjelajahan Portugis dan Sepanyol. Mengapakah mereka mengutamakan perjuangan untuk keagamaan?

- A. Pernah dikuasai oleh empayar Islam
- B. Ketaatan terhadap agama Kristian
- C. Mencari kerajaan Prester John
- D. Bercita-cita memonopoli perdagangan

17. Mengapakah Perjanjian Tordesillas ditandatangani pada tahun 1493?

- A. Menghadkan pengaruh kuasa Eropah
- B. Menggalakkan penerokaan kawasan baru
- C. Membantu usaha-usaha penjelajahan ke dunia baru
- D. Mengelakkan pergaduhan antara dua negara penganut Gereja Khatolik

Peristiwa 1 : Di Shang Chuan, China

Orang Peranchis cuba membina sebuah kubu

Peristiwa 2 : Di Canton, China

Tom Pires (wakil Portugis) dipenjarakan oleh China

18. Kesan daripada kedua-dua peristiwa di atas ialah

- A. China memutuskan hubungan dengan Peranchis
- B. China mengamalkan dasar tutup pintu
- C. China memutuskan hubungan dengan Portugis
- D. China mengamalkan dasar anti-Barat

19. Apakah yang ditentang oleh Martin Luther dalam gerakan pembaharuan agama di Eropah?

- I Pengamalan indulgences
- II Penyembahan keramat
- III Penyalahgunaan kuasa Paus
- IV Penyesuaian ajaran Kristian dengan kehidupan

- A. I, II dan III
- B. I, II dan IV
- C. I, III dan IV
- D. II, III dan IV

20. Apakah faktor yang mendorong kepada kemunculan golongan Monarki Baru di Eropah?

- A. Keberkesanan sistem pentadbiran
- B. Kemakmuran sesebuah negara
- C. Keseragaman sistem cukai
- D. Kebencian terhadap peperangan

21. Sehingga kurun ke-19 di Eropah masih terdapat masyarakat yang buta huruf. Mengapakah keadaan ini berlaku?

- A. Tumpuan pendidikan kepada golongan menengah
- B. Masyarakat memberi tumpuan kepada aktiviti pertanian
- C. Sekatan daripada pihak gereja
- D. Halangan daripada raja

22. Mengapakah golongan tuan tanah mendesak agar Parlimen Inggeris meluluskan akta pemagararan tanah awam?

- A. Supaya golongan petani dapat memiliki tanah
- B. Supaya golongan petani boleh menyewa tanah
- C. Supaya tanah awam boleh dijual beli
- D. Supaya aktiviti pertanian dapat dijalankan bagi tujuan perdagangan

- |  |
|--|
| <ul style="list-style-type: none"><li>• Majikan menentukan gaji pekerja</li><li>• Majikan mendapat keuntungan maksima</li><li>• Para pekerja ditindas oleh majikan</li></ul> |
|--|

23. Maksud di atas adalah kesan pengamalan dasar

- A. Sosialisme
- B. Komunisme
- C. Ekonomi dagangan
- D. Laissez-faire

24. Kesan Revolusi Perindustrian ke atas masyarakat Eropah ialah

- I kesihatan masyarakat Eropah bertambah baik
- II masyarakat Eropah hidup mewah
- III muncul bandar baru dan institusi kewangan
- IV penindasan golongan pekerja

- A. I dan II
- B. I dan IV
- C. II dan III
- D. III dan IV

25. Mengapakah perusahaan kain bulu tidak dapat berkembang pada pertengahan kurun ke-18?
- Harga merosot
  - Permintaan merosot
  - Kekurangan tenaga kerja
  - Saingan daripada perusahaan kain kapas
26. Apakah kesan pelaksanaan Akta Kombinasi 1800 terhadap golongan pekerja?
- Pekerja dapat membela nasib mereka
  - Pekerja semakin tertekan oleh majikan
  - Pekerja dibenarkan menubuhkan kesatuan sekerja
  - Pekerja menerima gaji yang sepatutnya
27. Apakah idea yang cuba disampaikan oleh Jean Jacques Rousseau melalui karyanya "The Social Contract"?
- Pembahagian kuasa antara institusi kerajaan
  - Hak tabii manusia
  - Keunggulan keseluruhan suara rakyat untuk menjamin kesejahteraan rakyat
  - Suara rakyat lebih penting daripada birokrasi
- I dan II
  - I dan IV
  - II dan III
  - III dan IV

Kejatuhan Bangunan Bastille ke tangan pemberontak pada 14 Julai 1789

28. Mengapakah peristiwa di atas penting?
- Kejatuhan rejim lama
  - Tamatnya Revolusi Perancis
  - Menandakan kemenangan golongan sosialis
  - Berakhirnya pemerintahan Raja Monarki Baru
29. Pada kurun ke-15 dan ke-16 kuasa Barat berlumba-lumba mendapatkan tanah jajahan di Asia Tenggara.  
Apakah faktor utama mereka berbuat demikian?
- Memajukan negara-negara di Asia Tenggara
  - Mendapatkan bahan mentah dari Asia Tenggara
  - Memperkenalkan ideologi politik Barat ke Asia Tenggara
  - Menyebarkan idea Revolusi Perindustrian ke Asia Tenggara



30. Imperialis Barat bertanggungjawab mewujudkan perkembangan sektor ekonomi yang tidak seimbang di Asia Tenggara.  
Mengapakah keadaan ini berlaku?

- A. Penjajah kekurangan modal untuk memajukan semua kawasan
- B. Penjajah hanya berminat di kawasan yang kaya dengan bahan mentah
- C. Penjajah membawa buruh asing untuk bekerja di sektor ekonomi
- D. Penjajah mendapat tentangan daripada penduduk di beberapa kawasan

31. Antara berikut yang manakah dapat dikaitkan dengan nasionalisme?

- I Mewujudkan kebebasan negara dari kuasa asing
- II Peluang menentukan masa depan negara sendiri
- III Mewujudkan konsep satu negara satu parti politik
- IV Meneruskan amalan pemerintahan tradisional

- A. I dan II
- B. I dan IV
- C. II dan III
- D. III dan IV

32. Gerakan nasionalisme pada tahap awal di Asia Tenggara dikatakan bersifat sederhana.  
Mengapa?

- A. Corak penentangan secara kekerasan
- B. Gerakannya tidak menuntut kemerdekaan segera
- C. Pemimpin mereka dari golongan berpendidikan Barat
- D. Idea perjuangan mereka hanya disalurkan menerusi pertubuhan sosial

<p>Partido Nationalista Partai Nasionalis Indonesia Kesatuan Melayu Muda</p>
--

33. Terdapat persamaan antara parti-parti di atas.  
Apakah persamaan itu?

- A. Pertubuhan politik yang menyeru meningkatkan taraf ekonomi pribumi
- B. Parti politik awal yang bergerak untuk kesedaran sosial masyarakat
- C. Para pemimpinnya mendapat pendidikan Barat dan Timur Tengah
- D. Parti bercorak politik yang menggesa kemerdekaan negara

34. Antara berikut, manakah faktor yang memberi kesan terhadap perkembangan nasionalisme di Asia Tenggara?
- I Kejayaan Dato Onn menentang gagasan Malayan Union di Tanah Melayu
  - II Usaha nasionalis Filipina menentang Sepanyol dan Amerika
  - III Kejayaan Jepun mengalahkan China dan Rusia
  - IV Kejayaan pejuang revolusi di China dan Rusia
- A. I, II dan III
  - B. I, II dan IV
  - C. I, III dan IV
  - D. II, III dan IV
35. Kesan daripada Perjanjian Versailles telah menyebabkan Itali merasa tercabar. Mengapa?
- A. Tidak mendapat tanah jajahan baru
  - B. Angkatan tenteranya dihadkan
  - C. Terpaksa menyerahkan jajahannya
  - D. Diarah membayar ganti rugi
36. Britain dan Amerika Syarikat telah terlibat dalam Persidangan Washington. Antara ketetapan persidangan di atas ialah
- I menghadkan kemasukan barangan Jepun
  - II mengawal hubungan luar Jepun
  - III mengagihkan tanah jajahan Jepun
  - IV menghalang perkembangan angkatan laut Jepun
- A. I dan II
  - B. I dan IV
  - C. II dan III
  - D. III dan IV
37. Revolusi Rusia yang berlaku pada Oktober 1917 menjadi titik permulaan kepada
- A. tamatnya pemerintahan beraja
  - B. kemunculan kerajaan komunis
  - C. tamatnya perang di Eropah
  - D. kemunculan gerakan fasis
38. Apakah yang akan berlaku sekiranya orang Melayu membiarkan Malayan Union diperkenalkan di Tanah Melayu?
- A. Perpaduan antara kaum terjejas
  - B. Perlaksanaan sistem persekutuan tergendala
  - C. Kedudukan pemerintah tempatan tergugat
  - D. Kestabilan politik terancam

39. Apakah kesan Perang Dunia Kedua ke atas negara-negara di Asia?
- A. Kemusnahan hebat akibat perang
  - B. Parti Komunis menguasai Asia
  - C. Banyak negara berpeluang untuk merdeka
  - D. Wabak penyakit merebak dengan hebatnya
40. Negara-negara yang baru merdeka dikenali sebagai negara Dunia Ketiga. Antara berikut yang manakah berkaitan dengan Negara Dunia Ketiga?
- I Negara ini tidak menyebelahi mana-mana pihak sama ada komunis atau kapitalis
  - II Negara ini bergantung pada pengeluaran bahan mentah
  - III Negara ini bergantung pada pasaran dunia yang dikuasai oleh negara-negara maju
  - IV Negara ini saling bekerjasama dalam bidang ketenteraan dan perdagangan
- A. I, II dan III
  - B. I, II dan IV
  - C. I, III dan IV
  - D. II, III dan IV

**KERTAS SOALAN TAMAT**